



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 37. Sententia depositionis Benedicti XIII.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

trigesimæ septimæ die præstituto, scilicet 26 Julii interesse voluit. Indicta erat, ut tandem ad ipsam Benedicti depositionem procederetur. Missa a Cardinale S. Marci celebrata, Patriarcha Constantinopolitanus sermonem habuit in hæc verba S. Joannis cap. 7. v. 24. *Iustum iudicium iudicate.* Promotor exposuit, Benedictum, eoquod non comparuisset, adhuc semel tanquam contumacem esse declarandum, petiitque de citationis in ultima sessione decretæ executione relationem fieri, quod & impetravit. Reiterata citatione, & Benedicto nullatenus comparente Episcopus Dolensis decretum legit, quo sancitum, ut ad depositionem Petri de Luna procederetur, eoquod manifeste contumax esset. Cardinalis Vivariensis, ut Concilii Præses, postmodum sententiam legit, hujus tenoris:

Sæcul. XV.
A. C. 1417.

Labbe Conc.
tom. 12. p.
233.

§. XXXVII.

Sententia Depositionis Benedicti XIII.

De vultu ejus hoc iudicium prodeat, qui sedet in throno, & ex ore ejus procedit gladius bis acutus, cujus satera justa est, & æqua sunt pondera, qui venturus est iudicare vivos & mortuos, Domini Jesu Christi, Amen. Iustus est Dominus, & iustitias dilexit, æquitatem vultus ejus. Vultus quidem Domini super facientes mala, ut perdat

Labbe Conc.
tom. 12. p.
234.

de

Sæcul. XV.
A. C. 1417.

de terra memoriam eorum. *Pereat, inquit S. Propheta, memoria illius, qui non est recordatus facere misericordiam, & qui persecutus est hominem inopem & mendicum, Quanto magis pereat ille, qui omnes homines & Ecclesiam universalem persecutus est, & turbavit, Petrus de Luna, Benedictus XIII a nonnullis nuncupatus, qui, quantum in Ecclesiam Dei, & universum populum Christianum peccaverit, schisma & divisionem Ecclesiæ Dei fovens, nutriens, atque continuans, quantis quamque frequentibus, devotis, & humilibus Regum, Principum, & Prælatorum precibus, exhortationibus, & requisitionibus, charitative, juxta doctrinam Evangelicam admonitus fuerit, ut pacem daret Ecclesiæ, & illius vulnera sanaret, & ejus partes divisas in unam compaginem, & corpus unum reficeret, quemadmodum ipse juraverat, eratque & diu fuit in sua potestate: Quos tamen charitative corripientes nullatenus voluit exaudire: Quot sint postmodum testes adhibiti, quibus etiam minime exauditis, necesse fuit, secundum prædictam Christi evangelicamque doctrinam dicere Ecclesiæ. Quam quia etiam non audivit, habendus sit tanquam Ethnicus, & publicanus: Capitula in causa inquisitionis fidei & schismatis, coram præsentis S. generali Synodo super præmissis & aliis contra eum edita, ac illorum veritas & notorietas declaravit manifeste. Super quibus rite & Canonice processu,*

cesso, ac omnibus rite actis, ac diligenter in-
 spectis, habitaque super ipsis deliberatione
 matura: Eadem sancta generalis Synodus
 universalem Ecclesiam repræsentans, in dicta
 inquisitionis causa pro tribunali sedens, pro-
 nuntiat, decernit & declarat per hanc defini-
 tivam sententiam in his scriptis, eundem D.
 Petrum de Luna, Benedictum XIII, ut præ-
 mittitur nuncupatum, fuisse & esse perjurum,
 universali Ecclesie scandalizatorem, fauto-
 rem, & nutritorem inveterati schismatis, in-
 veteratæ scissuræ & divisionis Ecclesie san-
 ctæ Dei, pacis & unionis Ecclesie impedito-
 rem, & turbatorem schismaticum, & hæreti-
 cum a fide devium, & articuli fidei: unam
 sanctam Catholicam Ecclesiam, violatorem
 pertinacem cum scandalo Ecclesie Dei, in-
 corrigibilem, notorium & manifestum, atque
 omni titulo, gradu, honore, & dignitate se
 reddidisse indignum, a Deo ejectum, & præ-
 cisum, & omni jure, eidem in Papatu & Ro-
 mano Pontificio ac Romana Ecclesia quomo-
 dolibet competente ipso jure privatum, & ab
 Ecclesia Catholica, tanquam membrum ari-
 dum præcisum. Ipsumque Petrum, quate-
 nus de facto Papatum secundum se tenet, ea-
 dem sancta Synodus Papatu, & summo Pon-
 tificio Ecclesie Romanæ, omnique titulo, gra-
 du, honore, dignitate, beneficiis & officiis qui-
 buscunque, ad omnem cautelam privat, & de-
 ponit, & abjicit. Eidemque inhibet, ne de-
 inceps pro Papa, aut Romano & summo Ponti-

Sæcul. XV.

A. C. 1417.

Sæcul. XV.
A. C. 1417.

*Pontifice se gerat, omnesque Christicolæ ab
ejus obedientia, & omni debito obedientiæ
ipſius atque juramenti, & obligationibus ei-
dem quomodolibet præſtitis abſolvit, & abſo-
lutos fore declarat: Ac omnibus & ſingulis
Chriſti fidelibus inſubet, ſub pœnis fautoriæ
ſchiſmatis & hæreſis, atque privationis om-
nium beneficiorum, dignitatum, & honorum,
eccleſiaſticorum & mundanorum, & aliis pœ-
nis juris, etiãſi Episcopalis, Patriarchalis,
Cardinalatus, Regalis ſit dignitas, ac Impe-
rialis. Quibus ſi contra hanc inſubitionem
fecerint, ſint auctoritate hujus Decreti & ſen-
tentiæ ipſo factò privati, & alias juris in-
currant pœnas: Ne eidem Petro de Luna
ſchiſmatico & hæretico incorrigibili, noto-
rio, declarato & deſoſito, tanquam Papæ
obediãt, pareãt, vel intendãt, aut eum
quovis modo contra præmiſſas ſuſtineãt, vel
receptent, ſibi que præſtent auxilium, conſi-
lium, vel favorem. Declarat inſuper, & decer-
nit, omnes & ſingulas inſubitiones, omnesque
proceſſus, ſententiã, conſtitutiones, & cenſu-
ras & alia quæcunque per eum factos, factas,
& facta, quæ poſſent præmiſſis obviare, ir-
ritos, irritas, & irrita, atque irritat revo-
cat, & annullat. Cæteris pœnis, quas in
præmiſſis caſibus jura ſtatuunt, ſemper ſal-
vis.*

§. XXXVIII.